

تورک تاریخ انجمنی

۱ مایس

۱۹۲۶

اون آلتنجی سنه

نومر ۱۵ (۹۲)

مجموعی

۱۲۵۳ سنه سنده

قاوالالی محمد علی پاشا ایله بر ملاقات

۱۲۵۳ سنه سنده مصر والیسی قاوالالی محمد علی پاشانک آمال و مقاصدینی آ کلامق ایچون مصره مأموراً صارم بک کوندرلشدی . صارم بکک ، قاوالالی محمد علی پاشا ایله صورت ملاقاتنه و محمد علی پاشانک افکار و مطالعاتنه دئر یازمش اولدوغی مفصل تقریر ، محمد علی پاشانک اک کیزلی حسلرینی و اخلاق و طبایعی کویسترمکله برابر مصر مثله سنکده اک مهم صفحه لرینی تنوره مدار اولاجینی جهته مذکور و یتقی بروجه آتی درج ایدیوروز :

وقتا که اسکندریه واریله رق قرنتنه ایچون تخصیص اولنان قوناغه چیقیلوب دزت بش کون مصر طرفندن نه بر مکتوب ونه بر خبر ظهور ایتمه مش اولدوغندن بو صورت در سعادتده آ کلاشیلان خواهشه مخالف کورنمکله باعث مطالعه اولمقده اولدینی حالدده لیب افندی داعیلری ظهور ایتمش و مومی الیهک مصردن مخصوص کوندرلنی البته مأموریت عاجزینک عجله آ کلاشیلمسی قصدی ایسه ده غالباً مومی الیهه تعلیم اولونمش اولدیغندن کویا اسکندریه و وصول چا کرانه می ایشیتدیکیله مصرده طور میوب کلش اولدینی مقدمه ایدرک مأموریت بندکانه می آ کلامق ایستیوب چونکه قرنتنه محلنده تقرب و کیزلی لقردی ممکن اولامیه رق بر ایوجه لقردی به کیریشیله میوب فقط کندوسنک لسان و حال و قالندن و طاتلی طاتلی طوغره یوب مصلحتی غایت سهولتی کویسترمسندن یازدینی مکتوب بی اساس کی منفهم اولمش و هر نه ایسه طرف کتیریدن کندویه قطعاً رنک ویرلیه رک یالکز طرف حضرت قپودانیدن یازمش اولان شقه اعطا ایله اکتفا اولمش و ایکی کون اسکندریه ده اکلنوب یه مصره عودت ایله مشدر مدت مدیده مومی الیهه اثنای مصاحبته قرنتنه مدتک امتدادندن و عبد کینه .

لرینک بورالده اکنمکه مأموریت عاجزانه مک مساعده سی اولیوب بر آن اول پاشا حضرت تریله ملاقات آرزو اولنمده اولدوغندن طولانی بعضی لقردی کچمش اولمق حسیله مصره وارد یقنده بونلری سویلیوب بوماده بی وسیله ایله یعنی قرنته خصوصنده کندولری معذور اولوب مداخله ایده مدکرندن ملاقات بر آرز اوزایه جق ایسه ده بر کون کبی کلیه جکی بیان واعتذار ایله مصر والیسی حضرت لرینک بر قطعه شقه سی کلش وبومامله دن دخی برشی آ کلاشیلاماش اولوب هر نه ایسه قرنته مدتی دخی رهین ختام اولمغه مهماندار اولارق ورودایدن قوجیلر کتخداسی احمد آغامرافتیله قانجه لره رکوباً مصره عزیمت اولمشدر اسکندریه دن حرکت اولندیغنک بشنجی کونی مصره مواصلت اولنوب مورهللی شیخ نجیب زاده باش معاون سامی بکک قوناغنه مسافر ویرلش اولدیغمدن ساعت طقوز صولرنده قوناغنه وارلاقده رمضان شریف اولدیغندمیدر یوخسه مخصوصی بکلمشدر مومی الیه قوناغده بولمغه آشنالقی ایدر ایتمز مأموریت عاجزانه می سؤاله باشلامشدر مومی الیهک درجه شیطتی در سعادتده متواتر اولمغه قولاق طولفونلنی اوله رقی اسکندریه ده کرک لیب افندیکنک افاده سندن وسائر تحقیقاتدن وکرک مصره وارنجه قدر مهماندار وسائر مأمورلردن استماع واستطلاع اولونان کیفیاتدن میر مومی الیهک مصرجه درجه نه ایسه ده نفوذ واستیلا سی اولدینی معلوم عاجزی اولمش وچا کر لرینک کندوسنه مسافر ویرلمکلمکم مخصوص وملتزم ایدوکی آ کلاشلمش وفی الحقیقه حال ومقالتدن دخی حقنده سویلنیلان سوزلرک صاحبی اولدینی تین ایلمش اولمغه هان مکر ومکیدتندن جناب حقه صقنوب جوابه تصدی ایله بنم مأموریم حامل اولدیغ مکتوب حضرت قپودانیده محرر اولمق حسیله ویردیکنده مطالعه سندن معلوم اولور وصیام حالی ویول سر سملکی جهت تریله لقردی ایتمکه پک لیاقم یوقدر دیمش ایسه مده اطرافیه آ کلامنی التزام ایدرک درلو زمینرله آراشدیردیغندن ممشاة اولندقدده یالکز قپودان پاشا حضرت لرینک مکتوبیمیدر باب عالی دن یاخود آخر محلدن تحریرات وشفاهاً سزه خفی بعض اراده وتنبیها ت یوقیدر دیمکه چونکه لیب افندیکنک مکتوبی مشارالیه قپودان پاشا حضرت تریینه کلش ومنظور مکارم موفور حضرت شاهانه بیوریله رقی جوابی دخی باراراده سنیه مشارالیه حضرت لری طرفه یازلمشدر ودر سعادتده بوماده خفی طوتیلوب آخره شایعه ویرلامش اولدیغندن کتوردیکم مکتوبده بو طرفده دخی مکتوم طوتلمسی اشعار بیورلمشدر

و حل و عقدہ مأموریت مستقام اولماق حسیله شفاهاً و تحریراً تنبیہات و تعلیمات
 وقوعبولماشدر دیدیکمده سزه نه حاجت ایدی اومکتوبی بر تانار دخی کتورردی
 البته مأموریتکز واردر سویلیورمز پاشا افدمز مراقایدن آنکچون سؤال ایدرم
 دیمکله صحیحاً اینجه اینجه مأموریتیم یوقدر فقط بومصر ماده سنه معلوما تم اولمغه بعض
 اسئله وقوعنده جوابلرینی ویرمکه مأذونم دنیلمش و بر آن اکتوب قاقوب کیتمش
 اولمغه اخشامه یارم ساعت قالارق کلوب افدمز سزی ایستر دیهرک چا کرلرینی
 قلعده دیوان تعبیر ایتدکری محله کوتورمشدر پاشا افطاری حرمده ایدوب
 دعوت اولنان مسافرین دیوان او طه سنده افطار ایتک اصولدن اولدیغدن چا کرلری
 ولیب افندی و میرمومی الیه ذکر اولنان او طه ده افطار ایدوب اوطوررکن مشار الیه
 چیقوب قهوه ایچیلدکن صوکره حلوت اولوب مأموریت عاجزانه دن سؤال ایتمش
 و بعد عاجز لری دخی لیب افندینک شویله بر مکتوبی و طرف دولتکز دن قپو کتخداسی
 افندی به بویله بر شقه کلشیدی قپودان پاشا حضرتلری طرفدن تحریر بیوریلان
 جوابنامه ایله بنده کزی مأمور و ارسال بیوردیلر دیهرک مکتوب اعطا اولتمش
 و سامی بکی چاغردوب موم طوتدیهره رق قرائت ایله آکا ویردکن صوکره مجلس
 ینه تخلیه قیلنمش ولونته نفیر کله رک بیاغی اظهار تبث ایله به جانم بویله شیر نیچون
 اوله یور بن احمد پاشا حضرتلرینی کلسون دیمدم بونصل اولمشدر سکا نقل ایدیم
 لیب افندی اسکندریه به کلدیکنده در علیه دن حرکتی کونی مابین هایونه چاغریلوب
 خاکپای هایونه یوز سورمش و التفات سنیه به مظهر اولمش اولدیغنی و قپو یولداش لری به
 اتم تردد و مناسبتنی کندوسی سویلمش و فی الحقیقه التفات عالی کیفیتی دخی متعاقباً
 تقویم وقایع نسخه سنده کورلمش و حق عاجزانه مده میل و توجه عالی بی مبشر بعض
 مقالاتی دخی وقوعبولمش اولدیغدن هر نه قدر بویله لقر دیلره کیریشمس مأموراً
 اولدیغنه دائر کندوسندن صراحة کلام ایشیدلمه مش ایه ده سیاق و سباق دن ولسان
 حالندن مأموراً اولسی استدلال اولتمش و بویله برسوزنه کیریشلمک بلا مأموریت اولیوب
 البته کندوسنه امر و تنبیه بیورلمش اولسنی اقتضا ایدم جکی ملاحظه قیلنمش
 اولدیغنه مبنی واقعا طرفدن دخی اظهار خلوص عبودیت اولتوب یعنی صمیمی
 عفو عالی به مظهر اولسم یا شم یتشه واردی کیدر مبارک خاکپای هایونه
 یوزیمی سورردم و حاضر بر طاقم عسکر و سفائن ایله بن و اولاد و اخفادم دولت

وملتہ خدمت ایدردک کبی کویندہ اولان شیرلی سویلہدم کندوسی دخی ممنون
 اولہرق شوکتآب افندمزک دخی بوندن عبارتدر عفو و مرحمتی غالب بر پادشاہ
 ذیشاندرلر بوصورتلہ خدمت و عبودیت ایتدکدنصکرہ عفو صمیمیہ مظهر
 اولہجغکزده شبهہ ایتیمہسز احمد پاشا حضرتلری غالباً اقدکزه چقہجقدر دیوکلہسہ
 دعوت ایدرمیسز دیمیلہ های های قیو یولداشییہ کوروشمکی کیم استمز جائمہ
 منت دیدم اولیہ برمکتوب یازوب کوندرمش وبوصورتدہ لیب افندینک مأموریتندہ
 شبہہ قالمامش اولدوغندن دوغروسی پک ممنون اولمشیدم شیمدی سزک مأموزیتکزدن
 مایوس اولدم و لیب افندی اولیہ سپارش اولنوبدہ شیمدی باشقہ قالبہ دوکلہسی
 پک کوچہ کیتدی احمد پاشا حضرتلرینک کلہسندن اکراہم یوقدر لکن کلہسون
 دیو ارزو ایلہمدم اشته لیب افندی بورادہ چاغردہیم سؤال ایلہ ہم سنک
 مأموریتکی کویا درسعادتدہ مکتوم طومش اولدقلرندن بورادہ کتم اولنمسنی اشعار
 ایدہ یورلر حالبوکہ اشبو مکتوبک مالی بوکونلردہ انکلترہدن کلش برسسی
 غزتہدہ صراحۃً یازلمشدر ترجمہسنی کوستریم بکا بویلہ یازوب انکلترہلویہ
 سویلک ونبی فرنکلرک لساننہ دوشورمک روامیدر بنم نہ قصورم وار دولت
 وملت ایچون فنامی خدمت ایدہ یورم شویلہ بویلہ دیہرک اغزی قزیشوب پک
 چوق شیر سویلش اولمغلہ طرف چاکریدن دخی واقعا مصلحت ذهاب و افادہ کز
 کبی اولسہ حقکز واردر لاکن اولیہ دکلدر بورادہ لیب افندی ایلہ نوجہلہ
 صحبت اولندیغنی بیلیمورز کلان مکتوبدن آ کلاشیلان صورت نوجہلہ ایسہ
 کتوردیکم جوابنامہ اکا کورہ یازیلشدر و لیب افندینک مأموریتی یوقدر و غزتہ
 حوادثی استانہ سعادتن چیقما یوب بورادن کتمش اولسی محتملدر دیدیکمدہ عظیم
 انفعال ایدوب اولاد سن زوقاقدہ اوینارکن بن بویوللری بیلورم شیمدی سزده
 محمد علی بی الدائمقی ایسترسن دیدیکندہ چاکر کینہلرینہ بو معاملات کران کلہرک
 بی اختیار دائرہ ادبی تجاوز ایلہ بندہ کز زوقاقدہ اوینامدم اون بش یاشمدہ باب عالی یہ
 ملازمت ایدوب نادرالوجود ذوات کرام حضراتی معیتلرندہ بولنہرق سایہ حضرت
 شاہانہدہ اولیہجہ استخدام و تربیہ اولدم سزلی الدائمغہ دخی مجبوریت یوقدر
 واقعا دائماً تحریدن خالی اولمادیغکزدن اکثر وقوعاتدن خبردار ایسہ کزدہ ہپی
 حقیقتی اوزرہ خبر آلنہجغنی اعتراف ایتیم ہلہ مأموریت عاجزانہمک اغیارہ خبر

ویریلسنی عقل دخی تجویز ایتمز بو طرفدن ترشح ایتمدیکینده شبهه یوقدرکه در سعادتدن حرکت ائناسنده قولونل روحل اسکندریه ده احمد پاشا حضر تیرینه انتظار اولنه یور دیو یازمش اولدیغنی سفارت طرفندن باب عالی یه افاده اولندقدده ایتمشیدیم اوله ایکن ینه کتم اولندی بر دلیلده شودرکه چونکه استانه علیه دن لوندریه بر آی دن اول خبر کیتمز اورایه خبر کیدوب طبع ونشر اولنهرق بورایه کلمسی لا آقل ایکی آیه محتاجدر حالبوکه بنده کز حرکت ایده لی هنوز ایکی آی اولدی البته بوحوادث بورادن چقدی دیدیکمه جواب بوله میوب بن کیمسه یه سویله مدم حالا قونسلوسلر هر کیجه کلوب سنک مأموریتکی خبر الموق ایسته یورلر سه ده کتم ایده یورم دیوب انکله تره قونسلوسی دخی صوررمی دیدیکمه هپسندن زیاده اوچبالار دیمکه چونکه در علیه ده ایلچیسنه سویلنمش کر کدیکی ایلچی قونسلوسه دخی بیلدرملی ایدی دنیله رک بتون بتون مغالطه سی میدانه چیقاریلاقدنصکره بونلر کوجنه جک شیردکل مراد دولتکز لیب افندی یه افاده بیوریلدیغنی وجهله استحصال توجهات عالی اولدیغنی حالده لیب افدینک بر مکتوبیله بنده کزک مأموریتمه مساعدده بیورلسندن طولاینی تشکر اولتمق ایجاب ایدر یوخسه طلب طرفزدن اولمش کبی ا کلاشیلمش دیو تأسف اقتضا ایتمز ظن ایدرم دنیله کده پک کوزل اوله اولسون بن نه دییه م سنده مأموریت وارسه سویله دیمکه طرف چا کریدن بنده کزک مأموریتم انجق ذات دولترینک قپودان پاشا حضر تیریه ملاقات ایتملرندن مقصود و مرادنه اولدیغنی ا کلامق ونوجهله جواب تجریر بیوریلورسه الوب کوتورمکدن عبارتدر ارتق نه یایمق ایجاب ایده جکی مطالعه بیوریلیر انشالله ینه کلورم دینلهرک قوناغه عودت اولتمشدر ایرتسی کون لیب افندی کلوب کیفیتک ابتدا وانتهاسی کندوسندن لدی السوال واقع اولان افاده سنه کوره مومی الیه سایه حضرت شاهانه ده کندوسنک مرغوب ومقبول اولدیغنی ا کلامق مقصدیله معرض فخر ومباهاتده بعض لقردی سویله مش ومومی الیهک بومقالاتی انلرک ذهاب وقورندیلرینه موافق کله رک مصلحته کیریشلمش و صورت رضاجویی ومطاوعتده کورینه رک الله عفو صیمی یه مظهر بیورلسون بزنده چبالادیغمز شوکتلو افندمز وملت اسلامیه ایچوندر ایشته مصرفسز شوکت ماب افندیمزک بوراده یوز یوز اللی بیک قره عسکری ومکمل بر دو نماسی دائما حضر اولارق لله الحمد سایه شاهانه ده دینمز یوق وموجود خیلی اچمه مز واردر هر زمان

هر نوجهله امر و فرمان بيورلسه حياتده اولدقجه بن بعده اولاد واخفادم خدمتده اولسون امل و افكاريمز بوندن عبارت ايسه ده و صلتك يولنى بوله ميورزكي محمد على پاشا و سامى بك كندوسنه چوق سوزلر سويلش اولدقلرندن اعتماد ايدوب و كندوسى مصلحتك ايچ يوزينه واقف اولماق حسييله بوصولت كندوسنه كوزل كورينوب مجرد كمال خلوص و غيرتى اقتضاسنجه خدمتده بولمق املهه جسارت ايدوب شوكت مآب افنديمز حضرت تالرينك مراد هايونلرى دخى تحصيل قوت ايله ملت اسلاميه نك اسايش و استراحتى قضيه سنه منحصر اولمغه سزك بونيت و امنيه ده اولديغكيز معلوم على بيورلسه مطلوبكيز رهين مساعده بيوريلور ديهرك معهود مكتوبك يازلسنه قرار و يرلمش اولديغندن شيمدى مأموريت چا كريدن قورنديلرينه موافق اماره مساعده اكلامدقلرندن تلاشه دوشمشلردر بچاره ليب افندى مرادلى نه اولديغنى اكلاديني كچي لساتى دكشديروب يوزلرينه قارشو سويله مديكى سوز قالميوب حتى سامى بكه بن سزى مسلمانسكيز ديهرك سوزلريكيزه اينانيوب لله الحمد نزد سلطنت سنه ده قدر و اعتبارم اولديغندن بويله بر نازك مصلحتى قلمه المغه جسارت ايلدم بن مى طالب اولدم يوخسه سزك تشويقكيزله مى اولدى سنك پاشاك بو قدر دولت و ثروتى قواله دنمى كتوردى هپسى سايه حضرت شاهانه ده دكلى رجم طاقكيزله سزى قهر ايدر شيمدى به قدر بيلميهرك دعا كزده اولمش ايسه مده ان شاه دامن كه به يه ياپيشوب قهر يكيزى تمى ايدم جكم ديهرك سويلنوب آرتق اولكى كچي يانلرينه دخى و ارميه رق اسواق و بازارده علناً فصل و مذمت ايتمش و چا كر كمينه لر ينك عودت مدن درت كون اول حجازه عزيمت ايلشدر مومى اليه ليب افنديك بونلرك يالكيز مصلحنه دائر سوزلرينه دكل مسلمانلقرينه دخى آلدانديغنه تأسف ايتمى فى الحقيقه بجادر زيرا بونلر كوچوك و بيوك جمله سى قدر الهى و اراده الهيه يى منكر و فرائض و سننى عبته ايله اشتغال ديهرك كلياً تارك اولوب اعتقاد فاسدلى جناب حق جهانى خلق و تكوين بيوردقن صكره اراده سنى مخلوقاتندن نوع انسانه حواله بيورمش اولمغه هر قننى صنف و ملتدن اعقل آدملر ظهور ايدر ايسه حسن اداره آنلرك النده در زعمنده اولدقلىرى و كندولرى اعقل ناس عدايله كلرينه مبنى بالا پروازلقرى تعريفه كلز پاشا ايله ملاقاتمز عرفه كيجه سى اولمش اولديغندن ايرتسى كون كيدليوب بيرام كونى كيدلمش ايسه ده رسمى اولديغندن غلبه لكدن لاقردى به ميدان اولمامش

اولقله بایرامک اوچنجی کونی ینه کیدلده اولکی طوری دکیشوب بتون بتون میدانده کی پرده نك رفع اوله مامسی فرنکلرک حیلہ وصنیعه لرندن اولدیغی وکندوسنک قوت بریه و بحریه سی شوپله و حسن اداره سی جهتیله قوت مالیه سی بویله اولوب بالفرض اسکندریه مدت مدیده محاصره اولسه خارجدن برشیته محتاج اولیه رق شمیدیکی کی اداره سی و بلکه فضله محمولاتک ینه آخره فروختیله بو حالده آچه ادخاری ممکن اوله جغندن سلطنت سنیه یه تقریبی ایستمدکلرینی و عسکرک الیسه سی شوپله یاپیلور و فابریقه لده مهمات بویله اعمال اولنور دیهرک بر ایکی ساعت ضمناً کندوسنک اصحاب قوتدن بولندیغی آکلاده جغم دیو اوغراشمش ایسه ده طرف چا کریدن یالکز استماع ایله اکتفا اولنورق قوناغه عودت اولنمشدر وصول عاجزانه مدن سوکره هر نه قدر لیب افندیکن مأموریتی اولدیغی آکلامشر ایسه ده اعتراف ایتموب ینه او صورتده یعنی خواهش آستانه سعادت طرفندن وقوعبولش حکمنده طوتهرق اوله کور نمکده و چا کر کینه لرینک مأموریت عاجزانه م کوروب ایشتدیکی عودتده افاده ایتمکدن عبارت اولدیغندن کآن مصرک قوت و مکتنتی بیلدیمرک فکرنده اولدقلرندن دائماً سامی بک بووادیلرده کزنمکده اولدیغی مثللو ذکر اولنان ملاقاتده پاشا دخی بتون بتون مجلسی بو صورتده حصر ایتمش اولسی جهتیله بر آرز آغر طورانق مناسب کی خاطر عاجزی به کلش و بحکمه الله اوچ کون قدر بر صداع دخی عارض اولسیله بالطبع پاشایه کیتمک دکل سامی بکله بیله لقردی به کیریشلمه مش اولدیغندن بو حاله انجیندیگمه حمل ایله اولکی معاملات بارده ملایمته تحویل اولنمش و سامی بک بر قاچ کوندر افندی بی کورمیدیکز دیمش اولقله آنلرده بی آرادقلری یوقیا کوروب نه یاپه جغم کچن کون کیتدم ایکی ساعت فخریه ایله وقت کچوردیلر بیلیم مرادلری نه ایدی بن کوروب ایشتدیکی تبلیغه مأمور ایسه مده قیودان پاشا حضرتلریله ملاقات جویلقدن طولایی اولان افاده لرینی آکلامقدر یوخسه مصرک کیفیتنی تحری به کلدیم زحمت چکدیلر چوغی بنده کزک خاطر مده قالماشدر بونی بیلدیمرک بر معنایه شامل اولوب مرادلری او ایسه بو تکلف قوللانیلان لسان عبودیتی مکذبدر یوللو کویا میر مومی الیهله طرف کلفت اولنمش اولدیغندن لا ابالیانه بعض سوزلر سوپله دیکمه افندمزک سزی جاغر ماملری خواهش آکلامیه سیکز دیودر بو خسه هر کون کورمکی ایستر و دائماً عقل و فکری رؤیت مصالحه

مصروف اولدیغندن سزکلهده او لقردیلیزی ایتشدیر یوخسه بشقه معناسی یوقدر بونک طریق اسلمی اشته ایکیمز کده مصلحتده اتحاد خلوصمز واردر بینمزمده لقردی ایدهلم بر اورتهسنی بولور بعدد افدمزمه افاده ایدرز دیوب بنم سوزم یوقدر صیمی عفو و توجه عالییه مظهریت مرادلری اولدینی حالده شوکتآب افدمزی خوشنود ایدهجک بر صورت اجرا ایدرلر دینلکده بونک اوزرینه چوق سوزلر طولاشدیروب عیبا شوپلهمی اولسه بویلهمی یاپلسه یعنی خاکبای عالییه لایق بعض شی تقدیم اولنسه وبر شام واردات معینهسنه بر آرز ضم قلنسه و سفن مصریه لدی الایحاب دونمای هایون معینده اولسه وعسا کر بریه لازم اولدقده ویرلسه یوللو بر طاقم مطالعهلرینی کآن کندولکنندن حسبحال وادیسنده بیان وچا کر کینهلرینی ایناندرمق ایچون بنم هر برشیئه عظم ایرر بوکتدی کمز یول چیمماز اما نه یاپیم بولندم چونکه بونلر اوچوز کیسه قدر آچه ویررک فاملیامله اسیرلکدن خلاص ایتدیلر آنکچون خدمت ایدرم دیررک صورت محرومیت اظهار ایتمش اولدیغندن عبد عاجزلری دخی کویا اعتماد ایتمشجهسنه البته درایت و فطانتکز واردر چیمماز یول اولدیغنی بیلورسز خدمت ضایع اولمز سز انصافچه حرکت ایدرسکز حقکزمده کوزل اولور یوللو حسبحال ایله استکشاف مافی الضمیر ایچون آرتق سزکله بینمزمده هر بر لقردی نی ایده بیلورسز شوکتآب افدمز حضرتلرینک استحصا ل رضای علیهلری حقنده مطالعاتکز کافی اولدیغنی سزده بیلورسز بنم خطرهمده کلورکه چونکه پاشا حضرتلری عفونینی طلب ایلدیکی قباحتی عکا والیسنه طارغلقندن ایتمش ایدی شمدی طارغلق قللدی لایق اولان کافی السابق مصره قناعت و بوقدر مصرف تکلفه محتاج اولمقدن اقالیم مصریه نک و حجازک ادارهسنه کافی عسکر و بر قاج کمی آلیقیوب یعنی هیئت اولیسنه عودت ایلسه احتمالکه خشنودیت حاصل اوله رق عفو و توجه عالی ارزان بیوریلور دیدیکمده صقنوب بونی افدمزمه سویله میه سز پک کوچونه کیدر و آپ اوجه امنیت کلش ایکن یکیدن اور کر دیمکه سزک مطالعه کزه قارشولق اوله رق خاطر مه کلنی سویلدم انلرده بویله لقردی اچسهر مطالعهم اولق اوزره سویلرم فقط مأموریتیم اولدیغندن بویله سوزلری ابتدا سویلیم سوال واقع اولور ایسه جوانی ویریم دیدیکمده افدمز بو سزک دیدیککزه چوق جواب بولور بنم مطالعه لرم مصلحته یقیندر لکن اولکی عفور

کبی لفظی اولور ایسه ینه امنیت ایده مز و کندسی بعده فاملیاسی امین و مستریح اوله حق صورتده احسان عالی به مشروطدر دیمکه شرط صاحب عفو طرفندن اولمق لازمکلور و احسان مظهر عفو اولدقدن صکره امیدارنور سزک لسانکزی بیلمیورم دیهرک ایما ایلدیکی توارث صورتی کلاشلماش وادیسنده صاوشدرلمشدر ایرتسی کون پاشا شوبرا بغچهسنه کیدوب حنطو ارسالله چا کر کینه لرینه ایستمش اولدیغندن کیدیلوب اوچدرت ساعت مصاحبت اولمغله خا کپای هایون حضرت شاهانه به عرض خلوص عبودیت و اولکی ایتدیکی شیر بعض طرفک کندوی کوجندرملرندن ضروری وقوعولمش اولدیغندن طولایی اظهار ندامت ایدرک شمدی امل مخصوص آخر وقتنده خا کپای هایون حضرت شاهانه به یوز سوروب و اراده بیوریلورسه اکثر وقت بوغاز ایچنده اقامتله حصهسنه دوشن خدمتی عقلی ایردیکی مرتبهده و مالا و بدنا ایفا ایلمکدن عبارت اولدیغنی و کندوسنک طرف سلطنت سنیه دن بیکانه طولسندن طولایی فرنکلر ممنون اوله رق سعی و غیرتلی بتون بتون ایرمق اولوب و بوايسه معاذالله ملتک پایمال اولسنه سبب اوله جفندن بو باده حیرتده قالمش ایدوکنی بیان برله شمدی آستانه علیهده هر بر شی یولنه کیرمکه باشلامش اولمغله ال برلکیله چالیشله و مصرک عسکر و سفائی دخی عسا کر منصوره و ترسانه معموره به الحاق اولنسه دول اربعه دن هیچ بریسی دولتعلیه اوزرینه جسارت ایده مز و شمدیکی تکلیفاتک برنی ایلیه مز لر بو حال ایله غیرت اولدیغنی صورتده اون سنه ظرفنده دولت علیه قوت جدیده حاصل ایدر و ربم عمر لر ویرسین ولی نعمت افندمز اجداد عظاملرینک ممتاز اولدق لری مثللو جمله حکمدارانک ملجائی اولور لر دیمکه ربم توکنمز عمر و عاقبت احسان بیورسون شوکت ماب افندمز حضر تلرینک لیل و نهار همت عالی مرتبت شاهانه لری دولت علیه لرینک تکثیر قوت و بقای شان شوکتته مصروف اولمغله ذات دولت لری دخی اراده بیوریلان خدمتی ایفایه غیرت بیوردق لری حالده بیکانه لک طبیعی برطرف اولمش اولور دینلده یوق اولاد سامی بکه بعض لقردی ایتمشز بکا کوچ کلدی دولت علیه نک و شوکت ماب افندمزک وزیر ی بنم کبی اولمی وزرانک کترتیه نه اولور ولی نعمت افندمز نوقت امر بیورسه لر یوز بیک عسکرله اوغلیمی اراده بیوریلان محله کوندریرم و بن اختیار ادم اولدیغمدن سفاین مصریه به بزمامور اولدیغم حالده خصمه جواب ویریرم قولم قنادم قیرلقدده نه ایش

کورہ یلورم ولی نعمت افندمز احسان بیوروب عہدمدہ بولنان یرلری ترک تکلیفندن
 بوشرطلہ تقریر بیورسونلر واولاد و اخفادمندن دخی ایش مأمول اولنورسہ انلرہدہ
 احسان بیوریلہجنی وعد بیورلسون اما امنیت اولنمز ایسہ یالکز بودیدیکم خدمتلر
 ذکل ساثرہنہدرلو خدمات تکلیف بیوریلورایسہ شرط درج اولنہرق بتون اوروپاہ
 وجمیع عالمہ نشر اولنسون بندن و صکرہ اولاد و اخفادمندن خلاف برشی ظہور
 ایدرایسہ لغو اولسون یوخسہ اوتوز سنہدر چبالیوب میدانہ گلش قوتی بوزمق بکا
 کورہ دولتمہ و ملتہ خیانت کلور کچندہ نمچہ قونسلوسی قوت بریہ و بحریہ کزک
 تقلیلی تکلیف اولنہجق ایمش دیو سویلیدیکنندہ قبو یولداشلرم بکا بوتکلیفی ایتمزلر
 دیمش ایدم مکر صحیح ایمش ایستہ تکلیف ایدہ یور سوزو فضلہ اولہرق بریہ الشامک
 ترکی دخی سویلش سز بندن رابطہلو ادارہ ایدہ جک قننی وزیرہ توجیہ بیوریلہجق در
 دہا کوزل ادارہ سنی عقم کسر سہ ترک ایدرم دیمککہ چونکہ بندہ یہ کورہ اقتضا
 ایدن رضا جو یلق اولدیغندن توجیہات خصوصندہ بحث اولماق کرکدر واقعا سزجہ
 چوق نما حاصل اولمق و عسکر تحریر اولنمق جہتلیلہ اولکی حالہ نظراً حسن ادارہ
 عداولنہ یور لکن زیادہ جہ تعدی اولندقلری ایشیدلمکدہ در و فریادنامہ لری کلکدہ در
 بونلرایسہ ظل اللہ فی العالم و خلیفہ نبیء محترم شوکت مآب افندمز حضر تلرینہ ودیہ
 اولندیغندن آسایش حاللریک استحصالی لازمہ ذمت ہمت ملکداریدر دیدیکمدہ
 ساثر محللردہ ملتزم و ویودہ لک ایتدکلری دہامی ایودر دیمککہ اولنلک ایتدکلری
 برشی دیمک دکل ایکن رجم وجود ہایونلرینہ عافیت ویرسون انلریدہ قالدیردی
 دیدیکملہ آمان نیجہ اولدی سویلہ بقلم دیوب التزاماتک مشیران کرام حضر اتہ حوالہ
 بیورلدیغنی و صورت و کیفیتنی و آنک اوزرینہ ویریلن تعلیماتک و شرفسنوح بیوریلان
 مبارک خط ہایون شاہانہ مضامین منیفہ سنی تفصیلاً حکایہ ایلدیکمدہ مکر مشیرک
 ترتیبنی یالکز ردیف تحریرندن عبارت بیلوب ادارہ ملکیت و مالیت مسئلہ سنی بیلمز
 ایمش بیلم صحیح بیلم جعلی غایت منبسط اولوب ایستہ بوکا دیہ جک یوق پک
 کوزل اولمش دیو عودتمہ قدرہر کون آچوب ممنونیتنی اظہار ایتشدہ بعدہ صدد اولہ
 عودت ایلہ ہم عہدمدہ بولنان یرلردہ کیسہ تعدی ایدہ مز و خبرم اولمقسزین برایش
 کورولمز زیرا ژورنال واردہ ہر طرفدن خبر آلورم دیمککہ ژورنال اصولی
 سایہ حضرت شاہانہدہ ممالک محروسہ نک ہر بر محلنہ وضع و اجرا اولنمش

اولمغله واقعا کوزل شی ایسهده پکده حقیقیله خبر ویرلرمی بیلیم دیدیکمه
ینه فائدهدن خالی دکدر بی تبشیر ایده یورسون اشته بوندن دخی خبرم یوغیدی
پکمنون اولدم دیوب کچنلرده بریهالشام طرفندن وقوعبولان اختلال کثرت تعدیدن
واحدات اولتان بدعتردن وعسکر النسندن نشئت ایلهدی دیو ایشیدلمش ایدی
دنیلدکده عسکرالنمی کوچارینه کیتمش واولیه برشی ظهور ایتمش ایسهده سلاحری
دوشیریلوب مندفع اولمشدر وشمدی اونلر دخی مصر کبی زراعته سوق اولنملریله
پکچوق شی حاصل اوله جقدر بو بزم ملت تنبل اولور کندولکلرندن چالینغزلر
چالشدیرملیدر اول ایشیدردم آیدین وحوالیسندن ازمیره سنوی یوزسکسان یوز
طقسان بیک بالیه پنبه اینرمش شمدی اون بیک بالیه تنزل ایتمشدر بونلر دقت
ایدهجک شیردر دیدیکنده واقعا اناطولیده لزومی قدر اگر بجزلر لکن کلیرکن
کویلی کوردم غالباً بو عربلرده اجه ادخارینه مجبورلر زیرا خانهلری طپراقدن
واچینده حصر واورتی کبی برشیلری یوق کیدکلری برکوملک یدکلری مرجک
جالبوکه لیل ونهار چالیشه یور وسنهده اوچ درت دفعه محصول قالدیره یورلر
وحیوانلری بیله ایکی کره وایکیشر اوچر دانه طوغره یور ارتق بونلر پک زنکین
اوللی دیهرک معرض لطیفهده تعدیات صریحهسی ایما اولندقدہ اکلاماقلغه اوره رق
آجهبی طپراغه کومرلر حتی کچنده کویده برشیخ اولدی بیک کیسه اجهسی چقدی
دیوب ینه اولکی صده عودتله وای اولاد بر شام اختلالی بکا بر قباحت ایتدیردی
اندن متهم ، رشید پاشا مرحومک تحریکیله اولدیفنی خبر ویردکلرنده کوجه کیدوب
انکلتروه یه استقلال ایچون مراجعت ایتمشیدم یکرمی کون کچدی ندامت کلدی
حالا کندمه لوم ایدرم و محرم ادملرمی منع ایتدکلریچون خاطر مه کلدکجه تکدیرایلرم
دیملکه بز اختلالی دیمین دیدیکم سبیلردن ظهور ایتدی دیو ایشتدک صحیح رشید
پاشا مرحوم طرفندن اولسه بیله اجنبیه مراجعت تجویز بیورماملری لازم کلوردی
غالباً زیادهجه کوجنمشسکز دینلوب واقعا اولیه ایدی لکن در سعادتده بنم علیمه
دائماً مراجعت اولنه یور و مخصوص سفرا کوندریلوب بومصر بحی اوروپاده سوریله یور
بونلردن فائده اولماز بودفعه فرانسه ایلچیسى کیدرکن محرمانه لقردیلر اولمش ونطق
هایون اوله رق بر کاغد دخی ویریش بوراده کی قونسلوسی دخی جلب ایتدیلر
بقهلم نه یارلر بنم مسئوله مساعده بیورلسه انلر قارشیدرلمسه البته کوزل دیملکه

یوق افدم بو قپونی سزاجدیکنز درسعادتده سفارتلره مراجعت اولندیغی یوقدر بلکہ بو طرفله محابره لرندن طولانی واقع اولان سؤالرینه مناسب جواب ویرلمکده در امیرال روش دخی سزک بعض محللری ترک ایتمک اوزره عفو صیمی به مظهریتکزک استحصالی ضمننده کندولره مراجعتکزی خبر ویرمش وغالباً بوبابده اراده علیه بی استفسار ایتمش اولسیله جواب ویریلدی ظن ایدرم دیدیکمه ایمان غلاظ ایله بن فرانسه لویه قطعاً مراجعت ایتمدم و باب عالی به تقریر ویرمش دیو ایشتدم اصلا خبرم یوقدر بنم بیلدیکم پارسه کیدر اولدیغندن کندیسنه مراجعت اولونمش وتعلیبات ویریشدر ویا لکز مصرک اولاد و اخفادمه انتقالنه مساعدۀ عالی بیوریه جقمش دیورلر دنیلدکده اشته بومساعدنه لقردیبی صرف یلاندر دنیلوب اخشام نقرب ایتمکله عودت اولونمشدر ایرتسی کون سامی بک قوناقدہ دون افندمزله بینکزده جوق مباحثلر کچمش بر آزیخی نقل ایتمدی کرکی کچی یوله یاتمش مصلحتی کیرو براقیهرق همان بوراده تسویه ایله سکز کوزل اولور دیرک لقردی به کیریشوب یوله یاتمش بومیدر کندولر سویلیوب بن دکله دم بوندن نه چیقار چونکه بنم مأموریتکم مساعی اولدیغندن متمم مصلحت اوله مم لکن یوله یاتمش اولسلر ایلروده حس تسویه سنی مأمول ایدرم بو حال ایله امیدم منقطعدر دیدیکمه بو آدمک فرنکلرله آراسی پک اویغوندر آنلرک واسطه سیله اولسینی استمیور یوقسه مصلحتبتر و بر آز دخی کشا کشته قالورسه یدی سنه ختامنده آرتق اصول اوروپا اوزره کوریه جکدر دیمکله فرنکلرک سزه مجبوریتلرینک وسلطنت سینه دن زیاده سزه حرمت ورعایت ایده جکلرینک سببنی بوله مم یدی سنه اصولی معتبر اولق لازمکله نصیحت دکله مدیککز ایچون سزه مضر اولسه کرکدر سزک ایچون جمله ناس مغایر حقانیت ایش کوررلرمی مأمول ایدرسز مصرک شو اصول اسایشی سلطنت سینه سایه سنده در از جمله فرنکلرک پک صقشدیردقلری ماده ده دولت مزدن امر اولدقجه یاپه میز دیوب خلاص اوله یورسز بونی انکاره محل وارمیدر دیدیکمه جناب حق اوزر مزدن اکسک ایتمسون بتدخی بواعتقادده یم نه چاره قورندی بشقه صورتده اولدیغندن حس تسویه سنی از درون استرم دیمکله پاشاحضر تلرینک امین ومستشاریسکز کوزلجه اکلاده سزکه صکره مکافاتنه مظهر اولورسز دنیلوب کیتشدر محمدعلی پاشامصر جوارنده دوبار تعبیر اولونان باغچه لکده کائن ابراهیم پاشا

قصرینه کیتمش اولدیغندن چا کر کینه لرینی اورایه چاغیرتمش اولمغه کیدیلوب ملاقات اولونمش و بعد عاجزک دخی مصرده مدت اقامتم اون کونی تجاوز ایتمش اولدیغنه و کیفیت حال دخی آکلاشلمش ایدو کنه مبنی رخصت دولتکز اولور ایسه برایکی کونه قدر کتمک استیورم زیرا حسابده دکزده بو قدر ا کلنمک و قرنتنه بکلنمک اولدیغندن شمديه قدر در علیه ده بولنه جق ایدم سایه حضرت شاهانه ده مأمور اولدیغم مصلحتلرک یاننده بولمقلغمی استرم دیدیکمه پک آز اولور اما قپودان پاشا اوغلم دخی چایق اعاده کزی اشعار ایتمش اولدقلرندن بریم سلامت ویرسون برایکی کون ظرفنده چقاریرم کریدلقر دیسی مقدم بر قاج کره سامی بکله کچمش اولدیغندن برابر کزده کریده دائر دفترلر وارایمش دیرسکز که بودغه کریددن جلب اولونان دفترله مقابله اولنسون کرچه بن مصر و بر شام وارداتنک کذران ایدن ایکی تقسیطیله اصحاب علاقه نك آنچه لری و کرید ایچون علی الحساب اوله رق یکر می بشیک کیسه لك پولیجه ترتیب ایتدیردم سندن اول آستانه علیه و ارر بقلم دفترلر مقابله سندن صکره کرید ایچون دهانه ویریلک لازم کلیرسه حلول ایدن بر تقسیطیله برابر ورا کزدن ایریشدیریرم بو تقسیطلرک هنوز یولنه کیره مامسی بعض اشتر اولنان اشیدان طولای آورو پالویه اولان دیندن اقتضا ایتمکه شمده آزالوب فقط ایکوز الی بیک فرانسه مقداری بورجم قالمغه بوسنه آردی آلدقده تقسیطلری وقت وزمانلرندن اول در سعادتده صرافه یاتیریرم و قتلری حلونده آالنور و سهولتلی اولور دیمکه دفترلر برابر اولدیغندن طاقتیله اخراج و اعطا اوله رق بو کریدک توجهنه دائر امور ملکیه ناظری پرتو پاشا حضر تلریله مقدا مذا کره کزده غالباً بدائی سنه سی آلتی بیک کیسه ویرلمک و صکره لری تحمکنه کوره ضم ایله اون بیک کیسه یه ابلاغ اولونمق و ایلروده ده قباردلق کبی لقر دیلر کچمش ایدی حالا معینات قدیمه سی بیله رابطه بوله مدی دینلر کده واقعا اویله لقردی ایتمشیدک صکره مأمولم کبی حیقمنا دی حالا مصرفی چقاره مدم شم دیلر ده یولنه کیرمه باشلادی ینه اولور یالکز بوکا دکل کچنده سویلدیکم کبی صمیمی بنده لك دفترینه سائر قپو یولداشلمک صره سنه قید بیوریلور ایسه عهدمه اولان محللر وارداتنک جمله سنه ضم ایدرم دیمکه اول دفتر جلیله ده مقید اولدیغ کزده شبهه کز اولسون هان لوازم بنده کی و عبودیتک اجراسنه همت بیورسکز جمله بندکانه اک بیوک قپو

یولداشی اولورسکز وھروجهله کوزل اولور یوللو تأمیناته دائر بعض سوزلر سویلندکده بنم امیدمه اوله در لکن ایتدکرم چوقدر امنیت کلز امین اولوق استرم واولاد و اخفادمک دخی بدن صکره خدمات سلطنت سنیهده بولنهرق سایه شاهانهده نامک بقاسنی آرزو ایلرم خاکپای هایون ملوکانه یه یوز سورمک املدر نه یوزله کیده جکمی ملاحظه ایدرم دیمکه ربم تعالی حضرتلری توکنمز عمر وشوکت احسان بیورسون شوکت ماب افندمز عفو و مرحمتی غالب بر پادشاه طالباندرکه مثلی جهانہ کلامشدر انشاه کیدوب مبارک خاکپای هایون شاهانه لرینه یوز سوردیکنزده آکلارسکز وبوعنایتده اولان لذتی هر برشینه ترجیح بیوروب شمیدی به قدر وقتکزی ضایع ایلدیکنزه چوق پشیمان اولورسز دیدیکمه انشاه بواملم حاصل اولینجه اه جامی آلمسون دیمکه بوسزک یددولتکزده کیدر سعی بیوردیفکنزه جناب حق دخی تقدیر ایلر دنیلوب بونلر تکلیف ایدہ یورسز بونلرله امین اوله مم دیمکه تکلیف اولنان شیلری مطالعم اوله رق سویلدم مثلا مصره قناعت بیورمدیفکنز حالده دیکر لرینک کندولکزدن ترکیله برابر عکانک عهده کزده ابقاسنی رجا بیورسکز بلکه مساعده بیوریلور دنیلدکده واللهی رضامله برکویک ترکی پیام مجبور اولورسزم او بشقه سکا طوغریجه سی امنیتک حصولی عهدهده اولان یرلرک الی الوفات ابقاسیله وبعده اولاد و اخفادمه احسان بیوریله جفته وعدعالی ارزان بیورلمسیله ممکن اولور آندن صکره بقیه عمریمی تحصیل رضای عالی به وخدمات سلطنت سنیه به صرف و مال و املاکی اغور حضرت شاهانه یه بذل ایدرم قوت مصریه نیک اولوقت تقلیلنه حاجت قالمز مصر فسزجه شوکت ماب افندمز کدر اراده لری وجهله قوللانورلر دیمکه بو بیوردیفکنز صورتک ممکن اوله جفنی عقلم کسز و هم آرتق بنده کزی بو بحثک مجاوبه سندن عفو بیورون زیرا مصلحت بنده کزک حوصله استعداد و مأموریتک تحمل ایدہ میه جکی صورتده تراکت کسب ایتمش اولمغله بولقر دیلری ایشتامش اولمقلم حقمده و مصلحتجه خیر لودر دهرک قیادلقده بونده برکمش یوقیا نیازمه مساعده بیوریلور ایسه فها اولمدینی حالده بن شمیدیکی حالدهده ممنون و متشکرم ینه دعاده قصورم یوقدر فقط قورقدیم فرنگلرک قارشمسیدر لکن بو حال ایله قاریشه جقلم و ایلروسی فنا اولاجق زیرا سن کله لی قونسوسلر هر کیجه کلوب مأموریتکی آکلامق استرلر هر نقدر کتم ایتمش ایسه مده چاره سز بهضیسنه خفیفجه

سویلمکه مجبور اولدم بونلر بویله در اسلام ایچون چبالامزلر کندو چیقارلرینه سعی ایدرلر آرتق قدر نه ایسه اویله اولور سن کوردیکک و ایشیتدیکک کیجه سویله ان شاه بر حسن صورت بولور دیمکه بو حال ایله سزه امید ویره م بنم طوغریسنی سویلیه جگمی مأمول ایتیمورسکنز برابر معتمدکزی ترفیق بیورک شو کوردیکم احوالی و ایشتدیکم سوزلری آنک یاننده افاده ایدرم دیدیکمه خاطره کلمدی دکل سکا امنیتسزک ایچون اولیه رق معرض تشکرده خاکپای هایون حضرت شاهانه یه عرض حال ترقیمیله عباس پاشا اوغلمی و یاخود سامی بکی سکا ترفیق و اعزام ایتکی قوردم لکن عرض حال تقدیمه تأدب ایتدم و آدم ارسالنه بعض مطالب مانع اولدی بقلم سنک وصولندن صکره ذهنه موافق کلور ایسه یه برنی کوندیریم دیمکه سز بیلورسز باری آنلر بنم کبی ساده جه کلوب کتمش اولسه لر دنیلوب عودت اولنمشدر مشارالیه قونسولسره زیاده رعایت ایدوب هر بر مصلحتی آنلره مذاکره ایتمکه اولدیغندن فی الحقیقه قونسولسره هر بر ماده ده استیلا و مداخله لری کورلمش ایدوکنندن حتی چاکر کینه لری قرنتنه ده ایکن اسکندریه ده نقدر نفوس وار ایسه بررایکیشر جمله سی مصره کیدوب فقط فرانسه قونسولوسی وکیلی قالمشدی قرنتنه ک تکمیل کونی وکیل مر سوم نزد چاکری یه کلوب مأموزیت عاجزانه می آکلامق ایچون خیلی طولاشدیرمش ایسه ده یول لقردی لری و اسکندریه و مصرک هوالری صحتلریله صاوشدیریلوب و مصره وصول عاجزانه ده عید شریف تعقیب ایتمش اولدیغندن تبریک وسیله سیله جمله سی برر برر کلشرا ایسه ده موسم صحتلریله کچشدیریلوب آنجق روسیه قونسولوسی قولونل روحل نمچه قونسولوسی دخی آله رق بر کون مخصوص ورود ایله خیلی اکنمش اولغله پاشانک حسن اداره سندن وکیلرینک نظام و انتظامندن وعسا کر بحریه و بریه سنک کثرت و مهارتندن و فابریقه لره و زراعت و تجارت خصوصلرینه دقتندن بختله بر طاقم ستایشنده اوله رق قوت مالیه منی دخی ایما قصدیله بوسنه ک محصولی زیاده اولوب کلینلو منفعت حاصل و طوپنی بر بچق میلیون کیسه آغچه یه بالغ اوله جغنی اوزون اوزون حساب و افاده ایتدکلرندن صکره پاشانک مرادی اولادلری قوللانیلوب کندوسی راحت ایتمکدر و واقعا مصرک مصالحی کون بکون یولنه کیرمکه وایلرولمکه اولغله راحت ایده بیلور سزده تسهیل ایدرسکنز دیملریله بن بو مرامنی بیلیمورم بنم مأموریم چونکه کرید وارداتی ترسانه عامره خزینه سنه مربوط اولوب

احمد پاشا حضرت تری قپودان دریا اولدقلرندن و بندخی قپوکتخدالری بولندیغمدن
برقاچ کرہ یازیلوب بر رابطہ بولہ مامسی جہتیلہ تسویہ سنہ مبنی کوندر دیلز دنیلمش
ایسہدہ چونکہ پاشا کندولرہ آچمش اولدیغندن مجاب اولیہرق بشقہ مأموریتکز
یوقیدر پاشا سزکله آخر لقردی ایتمیورمی دیمکله ایده جک اولورسہ استماع ومعلوماثمہ
کورہ جواب اعطا ایده بیلورم دینیلوب نمچہ قونسلوسی مصرک قوت بریہ وبجریہ سی
تقلیلی تکلیف اولنہ جق دیو پاشایہ سویلہ مشلر اولمز دیور ایدی دیمکله قونسلوس بکلرک
بری بکا شویلہ دیدی بندہ بوئی قپو یولداشلرم تکلیف ایتمزلر دیدم دیو بکادہ
سویلہ دی دیدیکمدہ کاشکی نصیحت اولنسه بیہودہ بو قدر مضر فہ دوچار اولہ یور
دیدکدہ دیمدنبرو کیندوسنک عقل وادارہ سندن بحت اولنہ یور البتہ مطالعہ ایدر دینلوب
بونلرک کلیشی انک کوندرمی اولق یاخود کندولکلرندن ایسہ اخشام کیدوب نقل
ایده جکلری بدیہی بولنق حسیلہ اوزادلیوب صدد دکشدرلکدہ نمچہ قونسلوسی
ینہ لقردی اچلمسنہ چالمش ایسہدہ کیرشیمہ جکی روحل اکلایوب قرنتنہدہ یونان
قونسلوسنہ کوچمشسکز دیو بشقہ صحبت اچغله چونکہ اسکندریہ قرنتنہ سی ہر آی
برقونسلوسک ادارہ سندہ بولنوب چا کر کینہ لرینک مدتم یونان قونسلوسنک زمانہ
تصادف ایتمش ویکرمی برکون مدت تخصیصیلہ طرف عاجزی بہ خبر ویرلش ایسہدہ
سایہ حضرت شاہانہدہ را کب اولدیغیم سفینہ ہایونہ کندو طرفندن کاور واردیانلر
قویق استمکله قپودانلر قبول ایتمیوب کیفیتی طرف چا کری بہ بیلدیردکلرندہ قبول
ایتملرینی تا کید ایتمشیدم قونسلوس مرسوم واردیان قویق ایچون ذکی افندی
وبغوصی صقشدیروب انلردہ قونسلوسی برابر استصحاب ایلہ چا کر کینہ لرینی اسکات
ایچون کلشلر ایتمش اگرچہ مرقوم ومرسومک یانلرندہ برفرنک وارسہدہ یونان
قونسلوسی اولدیغنی درک ایتمہرک واردیان لقردیسی اچیلدیغنی کبی بو صعوبت یونان
قونسلوسنک ملعتی اولہ یور یوخسہ قرنتنہ اصولنی بیلورم بویلہ دکلدر بن بو
سفینہ ایلہ یونان حکومتی لیمانہ کیتمش اولسہم واردیان قبول ایتم بوایسہ پادشاہمزک
ملکی وپادشاہمزک سفینہ سیدر قونسلوس خلط ایدر اگر واردیانسز کینک
قرنتنہ سنہ اعتبار ایتمہ جک ایسہ وارسون ایتمسون دیدیکمہ مکر قونسلوس کوچنوب
قالقوب کیتکلری کبی ہم چا کر لرینک مدتمہ اون کون ضم و ہم کینک قرنتنہ سنہ
اعتبار اولنماسنی امضا ایتمش ایتمش ہلہ سایہ حضرت شہنشاہیدہ دکلہدہ میوب

کندوسی رزیل اولمشیدی روسیه قونسلوسنک دیدیکی بوماده اولمغه بقالم درسعاده ورودمده یونان ایلدچیسندن ترضیه طلب ایده حکم دیو لطیفه اولسدقده یونان قونسلوسی قدیمدنبرو بوراده تجارتله مشغول اولدیغندن بویله شیرلی بیلمدیکنندن اولمشدر کوجنامکزی رجا ایدرز دیمکه باس یوق بویله بویله اداب حرمتی اوکرنور دینلرک عودت ایتمشدر قونسلوسلرک مشار الیهی اولدرجه ثنا ایتملی و بیوک کوسترملری بهمه حال ضمیمی اولیهرق یا تعلیم ایله خاطر ایچون یاخودجا کرکینه لرینک لسانمی اکلامق ضمننده اولسی درکار اولوب هر نه ایسه جدا سولمش اولسه لر بیله جوق مبالغه لی اولهرق واقعا بریه و بحریه یوزبیک عسکری و مکتبلرده بر آرز عرب چوجوقلری اولدینی تحقیق اولنوب تجارت وکراسته کیلرندن بشقه ایسه یرار یرامز سکز قپاق وبش فرقتین ودرت قروت واون قدر بریق وغولت وقوترکی خارجدن عزیز و نمایشلی الارغده برطاقم سفینه لری کورلمشدر ایچلرینک نظام و انتظامی وترسانه تعیر اولنان محک کیفیتی راغب قپودان قوللرینک معلومی اولدیغندن ژورنال ایدوب تقدیم ایلمی تنیه اولمشدر و حسن اداره سی کیفیتی ایسه برطاقم اونمدق حر بفر اطرافنی الوب کندو جر منفعتلریچون هربری کونده بر شی اراؤه ایدرک و محنتی ینه کندولری روایت ایلیه رک بر طرفدن تجربه ایله اوغراشوب و بر طرفدن پیامدینی شیرلی فرنکلره یاپدیروب کلیتو آچهلر تلف ایتمکده وفی الحقیقه عسکری به مقتضی اشیا و بعض مهمات احداث ایلدیکی فابریقه لرنده یاپیلوب خارجدن مبیاعه به محتاج دکل ایسه ده جوق آچهلر صرف اولمش و اولنقده اولهرق کارینی نوقت ایده چکنه کسه نک عقلی ایرمز و فقط تجارت ماده سنک یولنی بولمش اولوب شویله که عهده سنده اولان محللرک محصولاتی جمله کندو طرفندن مبیاعه و فروخت اولنهرق کسه مالنه مالک دکدر و خارجدن کلان اشیا و ارزاقی دخی کافه کندوسی مبیاعه ایله هرکسه صاعقه در هله بیچاره فلاحلرک چالشملری بوغازلری طوقلغنه کیدر بو سنه کی محصولاتن بر بچق میلیون کیسه اجه تجارتی مبالغه لی ایسه ده یلانی از اولق اقتضا ایدر زیرا بوسنه بشیوز بیک قنطار پنبه حصوله کلوب بهر قنطاری بشر یوز غروشه اولمغه کویا کندوسی اصحابندن بهر قنطاریخی ایکیشر یوز الیشر غروشه مبیاعه ایده کلدیکی افاده اولمش اولدیغنه کوره بهر قنطارده نصف نصفه تجارت ایتمکه یالکز پنبه دن ایکیوز الی بیک کیسه منفعتی اوله یور بو صورتده سویلنیلان نمانک حصولی

ممکن کورنمشر آنجق اہالی کندو محصولرخی رایجیلہ استدرکریہ ساتھ میوب محتاج اولدقلری اشیایی ایکی قاتنه المردن طولایی امر تعیشده مضطرب اوله زرق کرکی کی دلکیر وعسکری طاٹھسی دخی متفر ایسه لردہ اہالی عسکردن وعسکر ضابطانندن قورقوب سکوت ایتمکده درلر چونکہ ضابطان عسکرینک چوغی کندو کولہسی وبرازی اسکی امکداری وتریتکردهسی اولدقلرندن ومعاشری اویفون اولوب سربستلکریده کالده اولدیغندن بشقہ چوغہ کندو چراقلرخی ویروب باغلمش وبرازی بربرلیہ قرابت پیدا ایدرک ارتباط ضروری حاصل اولمش اولدیغنه وایچلرندن عقلی ایرمیانلر حیوان کی بولندقلری مرکز ضالائده ثبات ومتانت ایدنلر و کندو اسایشلرخی ہررشینہ ترجیح ایلدکلرندن ماعدا وقایہ حاللریچون اللزندن کلدیکی مرتبہ پاشایی باشندن چیقارمغه صرف مفسدت ایلدکلرینہ بناء مصرعسکرینک وجود ونظامی ضابطان طاٹھنک برمنوال محرر مجلوب اولملرندن ایجاب ایلدیکی تحقیق ومشاہدہ اولنمشر شوال شریفک اون بشنجی بازار ایرتسی کونی لوازم راہیہ مزحاضر اولمش اولمقلہ وداع ایچون پاشایہ وارلدقده یازدیغی جوابنامہ بی ویروب قپو یولداشلریمک جملہ سنہ دعار ایدرم دیمککہ وداع اولنہرق طوغری مصرک اسکاھسی اولان بولاغہ اینلوب اسکندریہ جانبہ عودت اولنمشر واسکندریہ ووصول ایلہ سفینہ ہایونہ رکوب عاجزانہ مدہ بغوص کلوب در دست ترتیب اولنان یکر می بشیک کیسہ دخی ضم ایلہ اوتوز بیگ کیسہ یہ ابلاغ اولنسنی و سزہ خبر ویرلسنی پاشا شمدی یازمش اولمقلہ ترتیب ایدہ جکم دیو خبر ویرمش فرداسی کون دخی حرکت وعزیمت قلمنمشر مقتضای مأموریت چاکرانہم وجملہ مصرہ وصول عاجزانہ مدہ مصلحت مأمورہ دائر وقوعبولان مجاوبات اینلہ بعض کوریلوب ایشیدیلان وتحقیق واستراق اولنہ بیلان حوادث وکیفیاتک اوستہ کلنلری بروجہ بالا بند بند قلمہ النوب عرض و افادہ یہ اجتسار اولندیغی ومشارالیہ ابتدا ہر تقدیر تواضع ومماشادہ برمقتضای مأموریت لسان جلب وتأمین قوللانیلہرق مطلوب اولان مرکزہ امالہ سنہ سعی اولنمش ایسہ دہ یناشمدیغندن بشقہ بالاپروازلغی ارتمش اولدیغندن ضروری بعض صحبت آره سنندہ مناسبت کتوریلہرک تعبیرات نازکہ وملایمہ ایلہ حبلی اغر وطوقنقلی سوزلر سویلنوب اگرچہ طور ومعاملہ سنہ فی الجملہ تنزل کلش ایسہ دہ ینہ مصلحتجہ دیدیکندن دونمامش اولمقلہ بوصورت کندوسنک بعض طرفدن مأمولی اولسنی اقتضا ایدر وقونسولسولرک

بالاده بیان اولنان طور ولسانلری جدی اولدینی حالده ظاهراً آنی تأییدایلرایسهده
 خفیجه تحقیق عاجزانه کوره سلطنت سنییه اطاعت و تابعتیت خصوصندن طولایی
 صورتی معلوم دکلسهده کندوسی صقشدیرلقده وحتى هرکس مالی کندو ساتسون
 دیهرک ید واحد اصولنک ترکی دخی تکلیف اولنمقده اولهرق واقعا کندوسنک
 فرنکلری زیادهجه مذمت ایتمسی وچا کر کینهلرینه اکلاتیمورلرسهده بینلرنده تلاش
 واضطراب اولسی دخی بوصورتک صحتی ایجاب ایلمش و بوکیفیت جمله محسوسات
 بندکامدن بولنمش اولمقله ذیل واشعاره مبادرت قلندینی رهین علم عالیلری بیورلدقده
 اولبابده وهرحالده امر و فرمان حضرت ولی الامر والاحسان افدمز کدر

